

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-38-Z/20

Kakanj, 30.01.2020. godine

Z A P I S N I K

**sa 38. redovne sjednice Općinskog vijeća održane 30.01.2020. godine (četvrtak) u velikoj sali za
sastanke Općinskog vijeća sa početkom u 9:00 sati
(sažetak zapisnika)**

Nakon intoniranja himne Bosne i Hercegovine, 38. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Džemal Bečirhodžić, Mejrema Purišević, Izudin Hrusto, Safet Šahman, Nadina Kovač, Edin Aliefendić, Amar Selimović, Namir Talić, Adnan Ibrahimspahić i Senad Alajbegović **(SDA)**

Jasmin Mušanović i Mugdin Gorak **(SBB BiH)**

Rešad Merdić, Adisa Škulj, Zerina Kovač, Fahrudin Buza i Mirsad Tursum **(S BiH)**

Ahmed Begić, Eldin Mijoč i Enes Piljug **(SDP BiH)**

Slaven Katičić i Ivica Petrović (naknadno pristupio) **(HDZ BiH)**

Elvedin Delić **(A-SDA)** (naknadno pristupio)

Mirnes Merdić, Rizah Haračić, Nusret Muslić i Evelin Bitić **(samostalni vijećnici)**

Mujo Fafulić **(nacionalna manjina)**

Odsutni vijećnici: Semir Mušija (samostalni vijećnici) i Muhamed Kubat **(SDA)**

Predsjedavajući je konstatovao da je na sjednici u momentu prijave prisutno 26 vijećnika i vijećnica, te da su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Aldin Šljivo, općinski načelnik

Ferdo Mijač, sekretar Općinskog vijeća

Mirza Fazlić, pomoćnik općinskog načelnika za privredu, urbanizam i zaštitu okoline

Rešad Zaimović, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Nurčo Kurtović, pomoćnik općinskog načelnika za imovinskopravne, geodetske poslove i katastar nekretnina

Bahrudin Arnaut, pomoćnik općinskog načelnika za opću upravu, radne i zajedničke poslove, lokalnu samoupravu i mjesne zajednice

Nurudin Hrusto, pomoćnik općinskog načelnika za civilnu zaštitu

Zijad Neimarlija, direktor Zavoda za planiranje i izgradnju općine Kakanj

Izviestioci, obrađivači, gosti:

Edita Čaušević, predstavnik IPISA instituta
Mirza Mušija, direktor JU „KSC“ Kakanj i Nihad Tukić, član UO JU „KSC“ Kakanj
Helmina Murtić, direktorica JU „Mladost“ Kakanj i Mirsada Čaluk, predsjednica UO JU „Mladost“ Kakanj
Fakir Ajdinović, direktor JU Centar za socijalni rad Kakanj
Mirnes Bajtarević, direktor JP „Grijanje“ d.o.o. Kakanj

Predstavnici medija:

NTV IC Kakanj	„Naša riječ“	„Kaportal“
Radio Kakanj	„Kakanjlive“	„Klix portal“
„Kakanjske novine“	„Kakanj-x“	

Kratka saopćenja o radu sjednice i prethodnim pitanjima. U pripremi 38. sjednice Općinskog vijeća, Kolegij je razmatrao:

a) Obavijest Zavoda za planiranje i izgradnju općine Kakanj u vezi Zaključka Kolegija broj: 01/1-37-K-375/19 od 19.12.2019. godine
Kolegij je Obavijest primio k znanju.

b) Inicijativa Naše stranke za izradu brošure – Proračun za građane/ke
Kolegij je zazuzeo stav da se ova i slične inicijative trebaju podnositi u skladu s Poslovníkom o radu Općinskog vijeća.

Usvajanje zapisnika sa 37. sjednice Općinskog vijeća:

Predsjedavajući je zapisnik sa 37. sjednice Općinskog vijeća stavio na glasanje, te je isti usvojen jednoglasno sa 25 glasa za.

Komentari na dostavljene odgovore na vijećnička pitanja:

Enes Piljug: je rekao da je dobio odgovor na jedno od dva postavljena pitanja. Odgovor je dobio od Zavoda za izgradnju na pitanje u vezi sanacije puta u Dubovom brdu, gdje se kaže da će projekti koji nisu realizovani u prethodnoj godini biti preneseni za realizaciju u 2020. godinu. Rekao je da nije zadovoljan određivanjem prioriteta u realizaciji projekata, te je izrazio nadu da će isti biti u redu prioriteta u tekućoj godini.

Nusret Muslić: je naveo da je dobio odgovor na pitanje sa prethodne sjednice koje se odnosilo na ostvarivanje prava na egzistencijalnu naknadu za boračku populaciju, te je rekao da je dobijenim odgovorom zadovoljan. Drugo pitanje se odnosilo na broj zaposlenih u općinskoj administraciji i javnim preduzećima i ustanovama čiji je osnivač Općina. Rekao je da je od pojedinih subjekata dobio tražene podatke, ali da iste nije dobio od općinskog organa uprave, te Grijanja i Vodokoma, pa je ponovo tražio dostavu podataka. Još je napomenuo da nije dobio odgovor od TC Kakanj na pitanje sa 35. sjednice Vijeća u vezi korištenja alternativnih goriva u procesu proizvodnje u tom privrednom subjektu, te je tražio da se isto ponovo uputi TC Kakanj.

Rešad Merdić: je rekao da nije zadovoljan odgovorom Odsjeka za inspekcije na postavljeno pitanje u vezi nadzora na održavanju puta Donji kakanj – kamenolom „Trgošped“, gdje se navodi da je predmetna dionica puta kategorisana kao regionalni put, te Općina nema nadležnost u vezi traženog.

Komentari na dostavljena mišljenja na vijećničke inicijative:

Enes Piljug: je istakao da nije zadovoljan mišljenjem na postavljenu inicijativu za nasipanje i uređenje puta koji spaja naselja Drijen i Dubovo Brdo. U odgovoru se navodi da će se pristupiti realizaciji inicijative ukoliko ista bude uvrštena u programe za tekuću godinu, dok on smatra da za realizaciju inicijative nisu potrebna značajna sredstva, te bi se trebalo posvetiti malo više pažnje kad se radi o ovakvim i sličnim stvarima.

Zijad Neimarlija (odgovor): je naglasio da se iz podnesene inicijative može zaključiti da je u pitanju veće investiciono ulaganje zašto se ne mogu izdvojiti sredstava od tekućeg održavanja puteva. Ponovio je da Zavod samo implementira one projekte i programe koje Vijeće usvoji, tako da ni predmetni neće biti izuzetak ukoliko Vijeće donese takvu odluku.

Rizah Haračić: je rekao da je zadovoljan dobijenim mišljenjem u vezi inicijative za donacije sredstava za vanjsko uređenje mekteba u naselju Drijen.

Nusret Muslić: je istakao da se iz dobijenog mišljenja može zaključiti da je prihvaćena njegova inicijativa za formiranje tim stručnih i kompetentnih osoba iz oblasti ekologije i zaštite životne sredine, koji bi građanima Kakanja ponudili i predložili kratkoročne i dugoročne mjere koje je neophodno poduzeti kako bi se ublažile posljedice prekomjernog zagađenja zraka, vode i zemlje. Međutim, naglasio je da je imao u vidu da taj tim, osim praćenja i mjerenja kvalitete zraka, pripremi analizu stanja u ovoj oblasti, te predloži konkretna rješenja i predvidi potreban iznos sredstava za realizaciju predloženih mjera, kako bi se efekti ovog rada i ulaganja vidjeli već tokom 2021. godine.

Vijećnička pitanja:

Rizah Haračić: je postavio dva vijećnička pitanja. Prvo pitanje je da li se može za potrebe JU „Kulturno-sportski centar“ Kakanj, iznajmiti parcela na Ponijerima kod spomenika, radi postavljanja ski-lifta za djecu, odnosno za organizovanje škole skijanja i drugo da li je moguće za potrebe vijećnika pribaviti dokumentaciju koju je Općina Kakanj do sada uradila u vezi istraživanja zagađenosti zraka u općini Kakanj.

Enes Piljug: je postavio dva vijećnička pitanja. Prvo je da se dostave podaci koliko je u 2019. godini podneseno krivičnih prijava za proizvodnju, posjedovanje i stavljanje u promet opojnih droga i drugo u kojoj fazi je realizacija projekta izgradnje mosta u Modrinju, odnosno da li se radi projekat i kada će biti završen.

Općinski načelnik: je dao odgovore na neka od postavljenih pitanja, pa je rekao da je na prostoru Ponijera aktuelan proces legalizacije objekata i u vezi s tim izvjestio je vijećnike da bi kantonalna Vlada vrlo brzo trebala usvojiti promjenu šumskog plana sječe, pri čemu će se uz postojeću stazu moći eventualno formirati sankalište i mini lift za djecu, tačnije da je obezbjeđivanje potrebnih sadržaja na Ponijerima jedan kontinuiran proces na kome se aktivno radi. Još je rekao da je Studija o zagađenosti zraka usvojena 2007-2008. godine i da je dostupna svima u Službi za privredu. Rekao je da se i po pitanju zagađenosti kontinuirano radi, što pokazuje i prihvatanje inicijative za formiranje stručnog tima, organizovanje tribine na tu temu, te kontinuirano izdvajanje budžetskih sredstava za rekonstrukciju i proširenje mreže daljinskog grijanja. Na kraju je rekao da je u završnoj fazi izrada idejnog projekta za most u Modrinju, te da taj projekat podrazumjeva osim mosta i izgradnju podvožnjaka i prostupnog puta do mosta, zašto su potrebna sredstva od oko 3 miliona KM, te da će se zbog toga u realizaciju projekta ići u fazama o čemu su mještani informisani.

Rešad Merdić: je postavio pitanje koliki je broj provedenih inspeksijskih nadzora na održavanju dionice ceste Donji Kakanj - kamenolom „Trgošped“ u 2019. godini, te koliko je finansijskih sredstava utrošeno na redovnom i vanrednom održavanju navedene dionice puta u 2019. godini.

Nusret Muslić: je postavio dva vijećnička pitanja. Prvo je da li je završena uspostava Registra imovine u vlasništvu Općine Kakanj, te ukoliko jeste može li se isti dobiti na uvid, uz podatke koju imovinu je u poslijeratnom periodu Općina Kakanj izgubila, odnosno koja je imovina prodana ili je po nekom drugom osnovu prestala biti u vlasništvu Općine Kakanj, a drugo pitanje je da li je u prethodne dvije godine izvršeno snimanje odnosno mapiranje klizišta, rijeka i potoka koja mogu prouzrokovati eventualne poplave i pokretanje klizišta i koja su to kritična mjesta, kao i da li je predviđeno plansko regulisanje istih kako bi se preduhitrile eventualne štete.

Vijećničke inicijative:

Enes Piljug: je podnio dvije vijećničke inicijative. Prva je da se u proljeće postavje kontejneri za smeće na izletištima „Mokra njiva“ i „Drijen“ iz razloga što se na tim izletištima bacaju veće količine smeća, a

ista su svaki dan od proljeća do jeseni najviše posjećena od strane građana općine Kakanj. Druga je da se uradi javna rasvjeta u mjestu Tršće gdje mještani već duže vrijeme čekaju na realizaciji tog projekta koji bi uveliko poboljšao život svim mještanima, te bi povećao stepen sigurnosti istih.

Evelin Bitić: je podnio dvije vijećničke inicijative. Prva je da Općina Kakanj obezbijedi novčana sredstva da se na prostoru općine u svim osnovnim i srednjim školama izvrši kupovina prečišćivača zraka i to zbog učestale situacije da svake godine u zimskom periodu dolazi do povećanog zagađenja zraka, na koji način bi se ublažile posljedice tog zagađenja. Druga inicijativa je za formiranje posebnog tima stručnjaka sa prostora općine Kakanj koji bi djelovali pri Općinskom vijeću kao podrška i prezentirali potencijalna rješenja i njihove moguće efikasnosti. Razlog za inicijativu je iznalaženje rješenja za nastalu situaciju u zimskim mjesecima kada se građanima nema ko obratiti sa analizom i konkretnim rješenjima za smanjenje zagađenja zraka.

Eldin Mijoč: je podnio inicijativu da se u Programu utroška namjenskih sredstava za zaštitu okoline iz Budžeta za 2020. godinu, planiraju sredstva za subvencije građanima za ugradnju termofasada u iznosu od 500.000,00 KM, za subvencije građanima za nabavku peleta u iznosu od 300.000,00 KM i subvencije građanima za ugradnju termofasada u iznosu od 500.000,00 KM, te subvencije građanima za nabavku toplotnih pumpi u iznosu od 300.000,00 KM. Smatra da bi se predloženim mjerama direktno uticalo na rješavanje problema aerozagađenja u gradu.

Rizah Haračić: je podnio dvije vijećničke inicijative. Prva je da se izvrši nabavka „Drager drug test“ uređaja za analizu prisustva droga kod vozača na području općine Kakanj, a iz razlog što se u posljednje vrijeme ukazala velika potreba za nabavkom uređaja kojim bi se pored kontrole alkoholiziranosti vozača provjeravalo da li su vozači pod dejstvom opojnih droga. Druga inicijativa se odnosi na nabavku novih kamera na mjestima na kojim postojeće ne funkcionišu, zatim nabavku hard diska većeg kapaciteta, koji čuva podatke duži vremenski period, te servisiranje postojećeg sistema videonadzora.

Nusret Muslić: je podnio dvije vijećničke inicijative i to prva da se u 2020. godini u saradnji sa osnovnim i srednjim školama u sklopu plana obrazovnih institucija planiraju jednodnevni izleti i posjete memorijalnom spomen obilježju Kamenica – Zavidovići, uz obezbjeđenje adekvatnih predavača. koji bi učenicima približili ulogu i značaj Odbrambeno-oslobodilačkog rata 92-95. godina, a u cilju njegovanja tradicije i sjećanja na poginule branioce Armije BiH, te poticanja osjećaja patriotizma. Druga je da se pokrenu aktivnosti i procedure regulisanja javnih površina namijenjenih za parkiranje automobila u saobraćaju, te da se isti daju na upravljanje nekoj od nadležnih službi ili nekom od javnih preduzeća čiji je osnivač Općine ili da se iznađe neka druga mogućnost regulisanja ove oblasti, a iz razloga neuređenosti stanje kad je u pitanju korištenje javnih površina, a posebno parking prostor.

Predsjedavajući je konstatovao da su vijećnici Mejrema Purišević, Edin Aliefendić, Adnan Ibrahimspahić, Safet Šahman, Namir Talić i Slaven Katičić podnijeli vijećničke inicijative bez korištenja govornice.

Mejrema Purišević: je podnijela inicijativu za subvencioniranje troškova kupovine sjemena i kultivacije zemljišta za proljetnu sjetvu materijalno neobezbijedenima licima sa evidencije Centra za socijalni rad. Razlog za inicijativu je poboljšanje kvaliteta života građana koji se nalaze u stanju socijalne potrebe.

Edin Aliefendić: je podnio dvije vijećničke inicijative i to za rekonstrukciju elektroenergetske mreže u MZ Zgošća naselje Aliefendići, jer u navedenom naselju trenutno ne postoji dovoljno napona, tako da elektro uređaji ne rade efikasno kako bi trebali. Druga inicijativa se odnosi na postavljanje obavijesti o prednosti u korištenju zdravstvenih usluga za demobilisane borce u Domu zdravlja Kakanj, a sve u skladu sa Zakonom o pravima demobilisanih boraca i njihovih članova porodica.

Adnan Ibrahimspahić: je podnio inicijativu za redovno vršenje nadzora izvođača koji održavaju puteve u zimskim uslovima, te da se istima zabrani posipanje kolovoza frakcijom ili drugim materijalima veće granulacije, kako bi se spriječilo oštećenje vozila tokom zime, te začepljenje odvodnih cijevi ili kanala na putevima.

Safet Šahman: je podnio dvije vijećničke inicijative. Prva je da se prilikom izrade programa za 2020. godinu planira sufinansiranje odvoza smeća sa prostora MZ Krševac, Starposle, Brnjic i Dubovo Brdo, a kako bi u konačnici došlo do realizacije projekta odvoza otpada sa prostora navedenih mjesnih

zajednica. Druga je da se prilikom izrade programa u dijelu pomoći udruženjima uvrste sredstva u iznosu od 3.000,00 KM udruženju „Pro-aktivna omladina“ Krševac. Predmetno udruženje se bavi poslovima pomoći starijim i iznemoglim osobama, a isto tako u saradnji sa donatorima okuplja djecu s kojima organizuje radionice.

Namir Talić: je podnio dvije vijećničke inicijative, prva da se put Zgošća – Tršće zaštiti od odrona kamenja i da se materijal koji već dođe na cestu redovno čisti i odvozi. Kako se često dešavaju odroni krupnog kamenja na putu koji vodi prema Tršću, smatra da bi se zaštitnom mrežom osigurao ovaj put i riješio trenutni problem. Druga je da se u naseljima Hausovići i Kamen uradi javna rasvjeta, jer bi se ba taj način olakšao život mještanima, te bi se zaustavile migracije ljudi sa sela u grad.

Slaven Katičić: je podnio vijećničku inicijativu za izmjenu Odluke o određivanju redovnih biračkih mjesta za Lokalne izbore 2020. godine i to da se premjesti lokacija biračkog mjesta Bjelavići 094A006 iz OŠ „Omer Mušić“ u Mjesni dom u naselju Bjelavići, a sve iz razloga da biračko mjesto bude locirano u središtu naseljenog mjesta, a ne na periferiji MZ Bjelavići.

Utvrđivanje dnevnog reda:

Predsjedavajući je napomenuo da je prijedlog dnevnog reda usaglašen na sjednici Kolegija koja je održana 22.01.2020. godine, pa je predložio dnevni red po pozivu za 38. sjednicu.

U raspravi o dnevnom redu je učestvovao Eldin Mijoč.

Eldin Mijoč: je sugerisao da se koriguje tehnička greška u nazivu 4. tačke prijedloga dnevnog reda, jer stoji „Prijedlog odluke o izmjenama i dopunama Odluke o administrativnim taksama na istaknutu firmu“, dok se u materijalu nalazi odluka koja se mijenja i izvorno glasi: „Odluka o općinskim taksama na istaknutu firmu“.

Mirza Fazlić: je prihvatio da se izvrši predložena ispravka i da tačka dnevnog reda glasi: „Prijedlog odluke o izmjenama i dopunama Odluke o općinskim taksama na istaknutu firmu“

Nakon diskusije Vijeće je jednoglasno sa 25 glasova za, usvojilo dnevni red za 38. sjednicu.

Usvojeni dnevni red:

1. Prijedlog odluke o usvajanju izmjena i dopuna Regulacionog plana „Kakanj“
2. Prijedlog odluke o provođenju izmjena i dopuna Regulacionog plana „Kakanj“
3. Prijedlog odluke o davanju saglasnosti za provođenje dodjele koncesije za eksploataciju prirodne vode na vodozahvatu „Hladivode“, općina Kakanj
4. Prijedlog odluke o izmjenama i dopunama Odluke o općinskim taksama na istaknutu firmu
5. Prijedlog odluke o izmjenama i dopunama Odluke o proglašenju Udruženja „Razvojni centar općine Kakanj“ udruženjem od posebnog značaja
6. Izvještaj o realizaciji Programa utroška namjenskih sredstava za zaštitu okoline iz Budžeta Općine Kakanj za 2019.godinu
7. Izvještaj o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2019.godinu
8. Izvještaj o realizaciji Programa utroška sredstava iz Budžeta Općine Kakanj za podsticaj u poljoprivredi za 2019.godinu
9. Prijedlog odluke o davanju saglasnosti za zaključivanje ugovora o javnoj nabavci radova za izgradnju dionice ceste Donji Kakanj – Kondžilo
10. Izvještaj o realizaciji Programa utroška sredstava od koncesionih naknada za 2019.godinu
11. Izvještaj o realizaciji Programa utroška sredstava od komunalne naknade za 2019.godinu
12. Izvještaj o realizaciji Plana redovnog održavanja javnih i nerazvrstanih cesta na području općine Kakanj za 2019.godinu
13. Izvještaj o realizaciji Programa utroška neraspoređenog dijela namjenskih sredstava od prihoda preduzeća ostvarenih radom termoelektrana za 2019.godinu i sredstava od prodaje poslovnih prostora i stanova
14. Izvještaj o realizaciji Programa rasporeda sredstava boračkim udruženjima za 2019.godinu
15. Izvještaj o realizaciji Programa za obilježavanje značajnih datuma i manifestacija za 2019.godinu

16. Prijedlog programa za obilježavanje značajnih datuma i manifestacija za 2020.godinu
17. Godišnji izvještaj o realizaciji Programa budžetskih sredstava za zaštitu i spašavanje u 2019. godini
18. Prijedlog programa utroška budžetskih sredstava za zaštitu i spašavanje u 2020. godini
19. Godišnji izvještaj o realizaciji Programa sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2019. godini
20. Prijedlog programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2020. godini
21. Prijedlog rješenja o utvrđivanju prava vlasništva u korist Jasmina (Ismeta) Skeledžije iz Kaknja
22. Prijedlog rješenja o utvrđivanju prava vlasništva u korist Midhata (Mehmedalije) Hodžića iz Kaknja
23. Prijedlog zaključka o davanju saglasnosti na Plan i program rada JU Centar za socijalni rad Kakanj sa finansijskim planom za 2020.godinu
24. Prijedlog zaključka o davanju saglasnosti na Finansijski plan JU za predškolski odgoj i obrazovanje „Mladost“ Kakanj za 2020.godinu
25. Prijedlog zaključka o davanju saglasnosti na Finansijski plan JU „Kulturno-sportski centar“ Kakanj za 2020.godinu
26. Informacija o šestomjesečnom radu Udruženja „Razvojni centar općine Kakanj“

Predsjedavajući je predložio da se vodi objedinjena diskusija po tačkama 1. i 2. dnevnog reda, a da se glasanje po istim obavi odvojeno.

Tačka 1.

Prijedlog odluke o usvajanju izmjena i dopuna Regulacionog plana „Kakanj“

Tačka 2.

Prijedlog odluke o provođenju izmjena i dopuna Regulacionog plana „Kakanj“

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika i Edita Čaušević, predstavnica IPSA instituta

U diskusiji su učestvovali: Eldin Mijoč i Evelin Bitić.

Eldin Mijoč: je iz uvodnog izlaganja zaključio da izvedeno stanje glavne saobraćajnice nije prvobitno bilo u skladu sa planskom dokumentacijom te da se sad ovim izmjenama i dopunama te nepravilnosti ispravljaju te upitao na koji način su se dobile sve građevinske i urbanističke saglasnosti. Dodao je da su zahtjevi građana tokom javne rasprave išli u smjeru proširenja obuhvata prostorno-planske dokumentacije kako bi se njihovi bespravno izgrađeni objekti mogli legalizirati te upitao koliko je tih zahjeva bilo. Također, upitao je da li je bilo tehničkih mogućnosti da se dvije slijepe ulice iz pravca Ulice šehida i Mila spoje kod frizerskog salona „Verde“i tako omoguće bolju povezanost gradskih saobraćajnica. Na kraju je dodao da će klub vijećnika SDP-a podržati ovaj prijedlog.

Evelin Bitić: je upitao koliko će biti novih parking mjesta i da li će se proširenjem ceste kod prvog solitera ući u dvorište pravoslavne crkve.

Edita Čaušević: je zamolila da se pitanja dostave pismeno kako bi se dali što precizniji odgovori od strane Instituta, a u vezi izmjena i dopuna rekla je da je Regulacioni plan naslijeđen i da se ovim izmjenama rješavaju neke lokalne tačke koje su ranije bile sporne.

Mirza Fazlić: je rekao da su sve dozvole prilikom izgradnje glavne saobraćajnice izdate te da nisu sve površine definisane kao saobraćajne jer imaju drugačiju namjenu (za stacionarni saobraćaj npr) a također, prilikom izgradnje izmještala se i infrastruktura grijanja i vode. Nakon svega, urađen je i projekt izvedenog stanja koji je definisao sve urađeno a ovaj Regulacioni plan je nastojao sve to uskladiti. U vezi zahtjeva građana rekao je da, tamo gdje se moglo, udovoljilo se, a gdje su bili složeniji imovinskopravni odnosi i tehnički neuslovni zahtjevi nisu se tretirali ovim Regulacionim planom.

Nakon diskusije Vijeće je usvojilo Odluku o usvajanju izmjena i dopuna Regulacionog plana „Kakanj“ sa 26 glasova za, bez glasova protiv i 1 glas uzdržan, te Odluku o provođenju izmjena i dopuna Regulacionog plana „Kakanj“ sa 27 glasova za, bez glasova protiv i 1 glas uzdržan.

Tačka 3.

Prijedlog odluke o davanju saglasnosti za provođenje dodjele koncesije za eksploataciju prirodne vode na vodozahvatu „Hladivode“, općina Kakanj

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji nije niko učestvovao i Vijeće je jednoglasno usvojilo Odluku o davanju saglasnosti za provođenje dodjele koncesije za eksploataciju prirodne vode na vodozahvatu „Hladivode“, općina Kakanj sa 28 glasova za.

Tačka 4.

Prijedlog odluke o izmjenama i dopunama Odluke o općinskim taksama na istaknutu firmu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji je učestvovao Nusret Muslić.

Nusret Muslić: je upitao kako ostale Općine tretiraju kladionice i koliki je njihov stepen naplate taksi. Upitao je da li postoji mogućnost da se za kladionice poveća taksa za 50% od predložene obzirom da je evidentno da su maloljetnici sve više prisutni u istim.

Mirza Fazlić: je rekao da Zenica ima odstupanje u ovom pogledu a Kakanj je prilično uravnotežen sa općinama u okruženju. Dodao je da je problem sa ovim pojedinačnim načinom povećanja taksi to što kladionice utužuju i redovno obaraju odluke o općinskim taksama. Ukoliko postoji način da se na neki način ograniči posao kladionica, predložio je da to ne bude Odluka o administrativnim taksama.

Nusret Muslić: je predložio da se pojača inspeksijski nadzor u kladionicama kako bi im poslovanje bilo otežano.

Mirza Fazlić: u kontekstu vođene diskusije je predložio da Vijeće usvoji zaključak kojim se insistira da Poreska uprava Federacije Bosne i Hercegovine i policijski organi PS Kakanj pojačaju inspeksijsku i drugu kontrolu rada u poslovnicaama svih kladionica i drugih priređivača igara na sreću na području općine Kakanj, a sve u cilju potpunog izmirenja poreskih obaveza koje iste imaju prema Općini Kakanj i drugim organima vlasti u Federaciji Bosne i Hercegovine, odnosno radi sprečavanja klađenja maloljetnih lica.

Nakon diskusije Vijeće je usvojilo Odluku o izmjenama i dopunama Odluke o općinskim taksama na istaknutu firmu i predloženi Zaključak sa 27 glasova za, bez glasova protiv i uzdržan.

Tačka 5.

Prijedlog odluke o izmjenama i dopunama Odluke o proglašenju Udruženja „Razvojni centar općine Kakanj“ udruženjem od posebnog značaja

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji je učestvovao Nusret Muslić.

Nusret Muslić: da li postoji mogućnost da se i ostala udruženja, kao što su boračka udruženja, direktno finansiraju na ovaj način

Mirza Fazlić (odgovor): je rekao da se ovo Udruženje proglasilo Udruženjem od posebnog značaja 2018.godine a da se sada radi samo o tehničkoj ispravci na način da se Udruženje ne finansira iz Programa podsticaja za razvoj privrede već direktno iz Budžeta radi lakšeg praćenja rada i troškova Udruženja.

Nakon diskusije Vijeće je usvojilo Odluku o izmjenama i dopunama Odluke o proglašenju Udruženja „Razvojni centar općine Kakanj“ udruženjem od posebnog značaja sa 23 glasova za, bez glasova protiv i 4 uzdržana.

Tačka 6.

Izveštaj o realizaciji Programa utroška namjenskih sredstava za zaštitu okoline iz Budžeta Općine Kakanj za 2019. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

U diskusiji su učestvovali: Enes Piljug, Eldin Mijoč, Rizah Haračić, Slaven Katičić, Evelin Bitić i Rešad Merdić.

Enes Piljug: je upitao zašto nije u okviru *Uređenja i rekonstrukcije obala rijeka i potoka na području općine Kakanj* tretirana i dionica korita rijeke Ribnice od Subotinja do kamenoloma Trgošped, obzirom da je nekoliko puta pokretao inicijativu da se isto učini a u odgovorima nije bilo spomena o ugovoru sa Trgošpedom koji je prema ovom Izveštaju postojao i koji je mogao dovesti od realizacije podnesene inicijative. Također u vezi *Sufinansiranja projekata MZ na projektima izgradnje kanalizacionih sistema kroz nabavku cijevi i materijala* upitao je da li će se realizirati i njegova inicijativa za nabavku kanalizacionih cijevi (500m) na Kamenu jer je ranije dobio pozitivan odgovor.

Eldin Mijoč: je rekao da se iz Izveštaja trebaju izvući zaključci koji će usmjeriti rad na boljem stanju okoliša na području općine Kakanj. Problematizirao je utrošak ovih namjenskih sredstava na rekonstrukciju glavne saobraćajnice ističući kako to u konačnici nije dovelo do nekih poboljšanja stanja okoliša. U vezi sufinansiranja projekata za zaštitu okoline NVO i Eko-park Tršće II faza stoji da ova stavka nije u potpunosti realizovana a u finansijskom smislu nije nikako realizovana i tu bi trebalo malo bolje obrazložiti šta to zapravo znači. Dodao je da generalno projekti u Programu ne odgovaraju nastojanjima da imamo čistiji zrak i zdraviju okolinu. Sugerirao je da naredni program treba imati konkretnije efekte na zaštitu okoline a ne da se iz ovog programa finansiraju infrastrukturni projekti. .

Rizah Haračić: je rekao da su svi projekti u ovom Izveštaju odgovorili na ekološke izazove s kojima se Kakanj suočava. Dodao je da su stručnjaci iz ekoloških oblasti detektovali mala i velika ložišta kao najveće zagađivače zraka i da bi najbolje bilo da Vijeće opredijeli sredstava za rekonstrukciju glavnog vrelovoda kako bi se išlo u proširenje mreže daljinskog grijanja. Nije se složio sa konstatacijom vijećanika Mijoča da rekonstrukcija glavne saobraćajnice nije ekološki projekt jer je stručno dokazano da automobili pri smanjenim brzinama izbacuju znatne količine polutanata.

Eldin Mijoč: je rekao da i dalje ne vidi ekološki značaj u rekonstrukciji glavne saobraćajnice i da po diskusiji vijećanika Haračića to znači da će se zrak poboljšati ukoliko se brzina motornih vozila poveća. Ponovio je da ulaganja treba usmjeriti na konkretne ekološke projekte sa većim i vidnim efektima na okoliš.

Rizah Haračić: je rekao da nije govorio o brzini automobila već o provoznosti vozila, pto nisu dvije iste stvari te da ovi podaci i konstatacije koje je ranije naveo stoje u Studiji o zagađenju. Ponovio je da je njegova diskusija išla u smjeru isticanja značaja proširenja grijanja u Kakanju.

Slaven Katičić: je podsjetio da Vijeće raspravlja o Izveštaju o realizaciji Programa te da je Program, osim Vijeća morao proći određene kantonalne saglasnosti. Dodao je da su svi projekti u Programu

ekološki te da nema dovoljno sredstava da se svi problemi riješe jednim programom i s tim u vezi treba naglasiti da pomaka ima i da su problemi zaštite okoline dugoročni planovi na kojima treba još dugo raditi. Na kraju je rekao da će podržati Izvještaj.

Evelin Bitić: je predložio da se u okviru ovih sredstava ubuduće da prilika javnim preduzećima za njihove projekte.

Rešad Merdić: je rekao da se radi o Izvještaju a ne o novom Programu i upitao zašto nije realizovan Programa u punom planiranom iznosu te zašto se kasni u realizaciji projekata.

Mirza Fazlić: je vijećniku Piljugu odgovorio da je podatak o ugovoru sa „Trgošpedom“ nije tajan već javno objavljen a u vezi uređenja korita Ribnice rekao je da su u februaru i maju bile poplave i da se podaci o utrošku ovih sredstava po intervencijama nalaze u Službi te vijećnik može izvršiti uvid u iste kad god želi. Vijećniku Mijoču je rekao da su projekti koje je naveo realizovani ali da nisu samo doznačena sredstava NVO te da je njegovu diskusiju shvatio kao sugestiju za izradu ovogodišnjeg programa. Vijećniku Merdiću je rekao da se program planira po proizvodnom periodu prethodnih godina Termoelektrane a u suštini on je projekcija rada Termoelektrane i njene proizvodnje električne energije koja je u direktnoj vezi sa emisijama SO₂, također, ni kvartalne uplate Kantona nisu redovne. U vezi namjenskog utroška ovih sredstava rekao je da se ovaj program šalje i na kantonalnu saglasnost te da je to vid kontrole utroška ovih sredstava.

Općinski načelnik: je čestitao realizaciju programa službama te dodao da se u posljednje vrijeme generalno minimalizira značaj i funkcionalnost svih ostvarenih projekata. Istakao je značaj kontinuiranih projekata koji se zbog svoje kompleksnosti ne mogu ostvariti za jednu godinu te da će se uz sugestije koje vijećnici predlažu nastaviti ovim tempom.

Nakon diskusije Vijeće je usvojilo Izvještaj o realizaciji Programa utroška namjenskih sredstava za zaštitu okoline iz Budžeta Općine Kakanj za 2019. godinu sa 22 glasa za, 3 protiv i 1 uzdržan.

Tačka 7.

Izvještaj o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2019. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

U diskusiji je učestvovao Nusret Muslić.

Nusret Muslić: je izrazio zadovoljstvo podacima iz predmetnog Izvještaja, odnosno realizovanim projektima za razvoj poduzetništva, te je tražio informaciju koje efekte je dao projekat Pokreni svoj posao, odnosno koliko je pokrenutih vlastitih biznisa uspjelo da se održi po završetku realizacije finansiranja.

Mirza Fazlić: je rekao da je za period 2013-2020. godina po projektu Pokreni svoj posao registrovano 147 subjekata od kojih su 33 objavljena, što opravdanih ili neopravdanih razloga, zbog čega su 4 korisnika tužena. Još je naglasio da je evidentan rast iz godine u godinu lica koja apliciraju na predmetni projekat, te je rekao da se nad provođenjem programa i radom subjekata provodi kontinuirani nadzor.

Nakon diskusije Vijeće je jednoglasno usvojilo Izvještaj o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2019. godinu sa 25 glasova za.

Tačka 8.

Izvještaj o realizaciji Programa utroška sredstava iz Budžeta Općine Kakanj za podsticaj u poljoprivredi za 2019. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji je učestvovao Rešad Merdić.

Rešad Merdić: je pitao da li je raspisivan javni poziv za podsticaj za tov junadi i uzgoj krava muzara, odnosno da li je bilo upućenih zahtjeva prema Službi za takvu vrstu podsticaja.

Mirza Fazlić (odgovor): je rekao da javni poziv za navedenu vrstu podsticaja nije objavljivao, te mu nije poznato da je bilo takvih zahtjeva prema Službi.

Općinski načelnik: je napomenuo vijećnike da je u 2019. godini iz ovog Programa ostalo nutrošeno više od 150 hiljada KM, te je stoga opravdano umanjeње sredstava po ovom Programu u 2020. godini. Još je naglasio da je od strane Ministarstva za poljoprivredu, šumarstvo i vodoprivredu ZDK za ovu namjenu bilo izdvojeno 3 miliona KM, a od tih sredstava samo 180 hiljada KM je implementirano u Kakanj, što je još jedan pokazatelj aktivnosti poljoprivrednika sa područja naše općine.

Nakon diskusije Vijeće je jednoglasno usvojilo Izvještaj o realizaciji Programa utroška sredstava iz Budžeta Općine Kakanj za podsticaj u poljoprivredi za 2019. godinu sa 24 glasa za.

Tačka 9.

Prijedlog odluke o davanju saglasnosti za zaključivanje ugovora o javnoj nabavci radova za izgradnju dionice ceste Donji Kakanj – Kondžilo

Predlagač: Općinski načelnik

Obradivač: Zavod za planiranje i izgradnju općine Kakanj

Izjavitelj: Zijad Neimarlija, direktor Zavoda

U diskusiji su učestvovali: Enes Piljug, Eldin Mijoč i Safet Šahman.

Enes Piljug: je rekao da je na jednoj od ranijih sjednica bilo rečeno da će se u januaru početi sa probijanjem trase predmetnog puta, pa je tražio informaciju u vezi sa početkom radova. Još je pitao da li je obezbjeđena građevinska dozvola za gradnju ovog puta, odnosno da li je RMU Kakanj dao saglasnost na utvrđenu trasu.

Eldin Mijoč: je naveo da se predmetnom odlukom daje ovlaštenje nadležnim za nastavak provođenja započetih procedura za izbor izvođača radova, a sve zbog izvršene prekategorizacije puta po kojoj je predmetni put regionalnog karaktera. Naveo je da je u prošlosti u više navrata vršena prekategorizacija puta, pa je tom kontekstu pitao da li Općina Kakanj ima pravo da gradi regionalne ceste. Na taj način se faktički pomaže Vlada ZDK od koje očekuje da se u narednom periodu uključi u finansiranje izgradnje ovog puta.

Safet Šahman: je istakao da je očekivao da se ova odluka podrži jednoglasno obzirom da se već 25 godina radi na rješavanju problema sa izgradnjom ovog puta.

Zijad Neimarlija: je kazao da se zbog objektivnih okolnosti, a koje se odnose na prekategorizaciju puta koja se dogodila krajem 2019. godine, nije počelo sa izvođenjem radova kako je bilo planirano. Rekao je da su sve potrebne saglasnosti za gradnju pribavljene, kao i da je trasa puta definisana projektom. Naglasio je da smatra da je dobra stvar što je predmetni put kategorisan kao regionalni, a iz razloga finansiranja izgradnje i u budućnosti održavanja istog.

Predsjedavajući je u vezi vođene diskusije predložio da Vijeće uz predmetnu Odluku usvoji zaključak kojim se ovlašćuje Općinski načelnik da u sklopu realizacije projekta izgradnje puta Donji Kakanj – Kondžilo, u saradnji sa kantonalnim i federalnim organima vlasti poduzme aktivnosti na iznalaženju potrebnih sredstava za sufinansiranje i završetak izgradnje puta Donji Kakanj – Kondžilo.

Nakon diskusije Vijeće je jednoglasno usvojilo Odluku o davanju saglasnosti za zaključivanje ugovora o javnoj nabavci radova za izgradnju dionice ceste Donji Kakanj – Kondžilo i predloženi Zaključak sa 24 glasa za.

Tačka 10.

Izveštaj o realizaciji Programa utroška sredstava od koncesionih naknada za 2019. godinu

Predlagač: Općinski načelnik

Obrađivač: Zavod za planiranje i izgradnju općine Kakanj

Izjavitelj: Zijad Neimarlija, direktor Zavoda

U diskusiji nije niko učestvovao i Vijeće je usvojilo Izveštaj o realizaciji Programa utroška sredstava od koncesionih naknada za 2019. godinu sa 21 glasom za, 2 protiv i 1 glas uzdržan.

Tačka 11.

Izveštaj o realizaciji Programa utroška sredstava od komunalne naknade za 2019. godinu

Predlagač: Općinski načelnik

Obrađivač: Zavod za planiranje i izgradnju općine Kakanj

Izjavitelj: Zijad Neimarlija, direktor Zavoda

U diskusiji su učestvovali: Enes Piljug, Izudin Hrusto i Jasmin Mušanović.

Enes Piljug: je pitao šta će se desiti ukoliko idejni projekat za izgradnju mosta u Modrinju ne bude prihvaćen od strane JP „Željeznice“ F BiH.

Izudin Hrusto: je rekao da bi kroz dokumentaciju trebalo provjeriti da li je prema JP „Grijanje“ upućen zahtjev, odnosno da li je isto dalo načelne saglasnosti kad se radi o njihovim instalacijama ispod zgrade K-15, kako bi se utvrdilo da li isti raspolažu podacima o položaju i lokaciji njihove instalacije.

Zijad Neimarlija (odgovor): je kazao da se prije nego što se počelo sa izradom idejnog rješenja za most u Modrinju u više navrata razgovaralo sa predstavnicima JP „Željeznice“ F BiH, kojom prilikom su oni iznijeli svoje uslove pod kojim će projekat prihvatiti, a što je sve onda ušlo u projektni zadatak, tako da ne vidi razlog zašto projekat ne bi bio prihvaćen od strane istih. Kad se radi o instalacijama JP „Grijanje“ je rekao da je zahtjev prema njima upućen, na isti su dostavili podatke o položaju instalacija, ali se ispostavilo da podaci nisu tačni, što opet nije neki veliki problem i kad se dođe u takvu situaciju izađe se adekvatno rješenje za prevazilaženje te situacije.

Jasmin Mušanović: je pitao da li i kada Zavod planira da pojača uličnu rasvjetu na lokacijama gdje se nalaze pješački prelazi.

Zijad Neimarlija (odgovor): je rekao da je svjestan problema na koji je ukazao vijećnik Mušanović i naglasio je da je bila ideja da se izvrši rekonstrukcija kompletne javne rasvjete, ali taj projekat košta oko 1,5 miliona KM. Zbog toga se trenutno razmišlja da se ide u pravcu zaključenja ugovora o javnom-privatnom partnerstvu gdje bi se postavljanjem LED rasvete napravile određene uštede u potrošnji, što bi omogućilo ulaganje u nabavku novih LED rasjetnih tijela.

Općinski načelnik: je rekao da Općina Kakanj izdvaja oko 620 hiljada KM za javnu rasvjetu, a ima oko 3,5 hiljade rasvjetnih tijela, dok Općina Tešanj ima oko 7 hiljada rasvjetnih tijela što je na godišnjem nivou košta oko 350 hiljada KM. Ovi podaci govore o uštedama kod ugradnje LED rasvjete, pa je s toga naručena Studija koja bi trebala da pokaže koliki bi bili efekti ugradnje LED rasvjete, a nakon toga će biti potrebno izraditi drugu Studiju koja bi razradila pitanja proširenja, odnosno ugradnje javne rasvjete na mjestima gdje iste trenutno nema.

Nakon diskusije Vijeće je jednoglasno usvojilo Izveštaj o realizaciji Programa utroška sredstava od komunalne naknade za 2019. godinu sa 25 glasova za.

Tačka 12.

Izveštaj o realizaciji Plana redovnog održavanja javnih i nerazvrstanih cesta na području općine Kakanj za 2019. godinu

Predlagač: Općinski načelnik

Obrađivač: Zavod za planiranje i izgradnju općine Kakanj

Izjestilac: Zijad Neimarlija, direktor Zavoda

U diskusiji nije niko učestvovao i Vijeće je usvojilo Izveštaj o realizaciji Plana redovnog održavanja javnih i nerazvrstanih cesta na području općine Kakanj za 2019. godinu sa 22 glasa za, 3 protiv, bez glasova uzdržan.

Tačka 13.

Izveštaj o realizaciji Programa utroška neraspoređenog dijela namjenskih sredstava od prihoda preduzeća ostvarenih radom termoelektrana za 2019. godinu i sredstava od prodaje poslovnih prostora i stanova

Predlagač: Općinski načelnik

Obrađivač: Zavod za planiranje i izgradnju općine Kakanj

Izjestilac: Zijad Neimarlija, direktor Zavoda

U diskusiji je učestvovao Enes Piljug.

Enes Piljug: je rekao da se iz Izveštaja vidi da projekat javne rasvjete u Podborju nije realizovan zbog nedostatka sredstava, dok za isti projekat u Zagrađu stoji da je realizovan, s tim da su ostale za izmiriti obaveze prema izvođaču. Napravio je poređenje ova dva projekta i pitao zbog čega nije na isti način završen i projekat u Podborju. Još je rekao da se za projekat izgradnje igrališta u Kučićima ne podudaraju sredstva predviđena Programom i ona koja su utrošena prema Izveštaju, pa je tražio pojašnjenje oko utroška dodatnih sredstava.

Safet Šahman: je izrazio zadovoljstvo realizacijom projekta i činjenicom da će u tekućoj godini biti završeni oni projekti koji su započeti ali nisu okončani u prethodnoj godini. Napomenuo je da je izgradnja javne rasvjete u Podborju planirana u dvije faze, pri čemu je prva okončana, dok po pitanju druge faze smatra da nije problem u nedostatku sredstava, jer postoji i tehnički problem obzirom da Elektroprivreda BiH prethodno mora izvršiti zamjenu postojeće trafo-stanice, te zbog toga isti nisu dali saglasnost na projekat.

Zijad Neimarlija (odgovor): je naveo da je vijećnik Šahman rekao glavninu problema vezano za rasvjetu u Podborju, te pojasnio da je u Zagrađu projekat realizovan po ugovoru, a da bi se isti završio potrebno je dodatno oko 8 hiljada KM, te će isti biti okončano ukoliko Vijeće odobri ta nedostajuća sredstva. U vezi utroška sredstava za igralište u Kučićima je rekao da je ugovor sa izvođačem potpisan 2016. godine, a da je projekat realizovan u 2019. godini, pa je izvođač iskoristio svoje zakonsko pravo za potraživanje penala zbog nerealizacije ugovora u predviđenim rokovima, što je dovelo do povećanja predmetne stavke u Izveštaju.

Nakon diskusije Vijeće je usvojilo Izveštaj o realizaciji Programa utroška neraspoređenog dijela namjenskih sredstava od prihoda preduzeća ostvarenih radom termoelektrana za 2019. godinu i sredstava od prodaje poslovnih prostora i stanova sa 21 glasom za, 3 protiv, bez glasova uzdržan.

Predsjedavajući je dao pauzu u radu Vijeća do 14,00 sati.

Tačka 14.

Izveštaj o realizaciji Programa rasporeda sredstava boračkim udruženjima za 2019. godinu

Predlagač: Općinski načelnik

Obrađivač: Služba za društvene djelatnosti, boračka pitanja, raseljenje lica, izbjeglice i povratnike

Izjestilac: Rešad Zaimović, pomoćnik općinskog načelnika

U diskusiji nije niko učestvovao i Vijeće je usvojilo Izvještaj o realizaciji Programa rasporeda sredstava boračkim udruženjima za 2019. godinu sa 19 glasova za, bez glasova protiv i 4 glasa uzdržan.

Tačka 15.

Izvještaj o realizaciji Programa za obilježavanje značajnih datuma i manifestacija za 2019. godinu

Predlagač: Općinski načelnik

Obrađivač: Služba za društvene djelatnosti, boračka pitanja, raseljenje lica, izbjeglice i povratnike

Izjavitelj: Rešad Zaimović, pomoćnik općinskog načelnika

U diskusiji nije niko učestvovao i Vijeće je usvojilo Izvještaj o realizaciji Programa za obilježavanje značajnih datuma i manifestacija za 2019. godinu sa 20 glasova za, bez glasova protiv i 3 glasa uzdržan.

Tačka 16.

Prijedlog programa za obilježavanje značajnih datuma i manifestacija za 2020. godinu

Predlagač: Općinski načelnik

Obrađivač: Služba za društvene djelatnosti, boračka pitanja, raseljenje lica, izbjeglice i povratnike

Izjavitelj: Rešad Zaimović, pomoćnik općinskog načelnika

Stav i mišljenje: Komisija za mlade, Komisija za ljudska prava i ravnopravnost spolova

U diskusiji je učestvovao Nusret Muslić.

Nusret Muslić: je rekao da je već podnio inicijativu za organizovanje izleta za učenike na spomen obilježje u Kamenici, pa je u skladu s tim predložio da se sredstva za tu namjenu predvide predmetnim programom i to na način da se umanju stavka neplanirani troškovi, a poveća stavka obilježavanje spomena Kamenica za iznos od 3 hiljade KM. Još je predložio da se sa stavke neplanirani troškovi prebaci 1 hiljada KM na stavku obilježavanje Dana Armije, a da se onda iz sredstava za Dan Armije obezbjede sredstva za nagrade učenicima za literarne radove na temu Dan Armije.

Rešad Zaimović: je istakao da su predloženi amandmani opravdani, ali je predložio da se Program usvoji u predloženoj formi, a da će se amandmani realizovati iz sredstava za neplanirane troškove ili prebacivanjem neutrošenih sredstava sa neke od stavki. Predložio je da boračka udruženja u saradnji sa školama organizuju izradu literarnih radova, a da će sredstva za nagrađivanje biti obezbjeđena na naprijed navedeni način.

Nusret Muslić: se saglasio sa predloženim načinom realizacije uloženi amandmana, ali je predložio da aktivnosti sa školama oko obilježavanja Dana Armije idu putem nadležnih institucija sistema, a ne preko boračkih udruženja. Ovo iz razloga davanja značaja samom događaju i institucijalnog uređenja i organizovanja značajnih događaja i datuma iz prošlosti, dok je kao član udruženja izrazio spremnost da ista budu na usluzi u operativnom provođenju događaja.

Nakon diskusije Vijeće je usvojilo Program za obilježavanje značajnih datuma i manifestacija za 2020. godinu sa 21 glasom za, bez glasova protiv i 3 glasa uzdržan.

Tačka 17.

Godišnji izvještaj o realizaciji Programa budžetskih sredstava za zaštitu i spašavanje u 2019. godini

Predlagač: Općinski načelnik

Obrađivač: Služba civilne zaštite

Izjavitelj: Nurudin Hrusto, pomoćnik općinskog načelnika

U diskusiji nije niko učestvovao i Vijeće je jednoglasno usvojilo Godišnji izvještaj o realizaciji Programa budžetskih sredstava za zaštitu i spašavanje u 2019. godini sa 24 glasa za.

Tačka 18.

Prijedlog programa utroška budžetskih sredstava za zaštitu i spašavanje u 2020. godini

Predlagač: Općinski načelnik
Obrađivač: Služba civilne zaštite
Izjavitelj: Nurudin Hrusto, pomoćnik općinskog načelnika

U diskusiji nije niko učestvovao i Vijeće je jednoglasno usvojilo Program utroška budžetskih sredstava za zaštitu i spašavanje u 2020. godini sa 24 glasa za.

Tačka 19.

Godišnji izvještaj o realizaciji Programa sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2019. godini

Predlagač: Općinski načelnik
Obrađivač: Služba civilne zaštite
Izjavitelj: Nurudin Hrusto, pomoćnik općinskog načelnika

U diskusiji nije niko učestvovao i Vijeće je jednoglasno usvojilo Godišnji izvještaj o realizaciji Programa sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2019. godini sa 24 glasa za.

Tačka 20.

Prijedlog programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2020. godini

Predlagač: Općinski načelnik
Obrađivač: Služba civilne zaštite
Izjavitelj: Nurudin Hrusto, pomoćnik općinskog načelnika

U diskusiji nije niko učestvovao i Vijeće je jednoglasno usvojilo Program rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2020. godini sa 24 glasa za.

Tačka 21.

Prijedlog rješenja o utvrđivanju prava vlasništva u korist Jasmina (Ismeta) Skeledžije iz Kaknja

Predlagač: Općinski načelnik
Obrađivač: Služba za imovinskoppravne, geodetske poslove i katastar nekretnina
Izjavitelj: Nurčo Kurtović, pomoćnik općinskog načelnika

U diskusiji nije niko učestvovao i Vijeće je Rješenje o utvrđivanju prava vlasništva u korist Jasmina (Ismeta) Skeledžije iz Kaknja usvojilo jednoglasno sa 22 glasa za.

Tačka 22.

Prijedlog rješenja o utvrđivanju prava vlasništva u korist Midhata (Mehmedalije) Hodžića iz Kaknja

Predlagač: Općinski načelnik
Obrađivač: Služba za imovinskoppravne, geodetske poslove i katastar nekretnina
Izjavitelj: Nurčo Kurtović, pomoćnik općinskog načelnika

U diskusiji nije niko učestvovao i Vijeće je Rješenje o utvrđivanju prava vlasništva u korist Midhata (Mehmedalije) Hodžića iz Kaknja usvojilo jednoglasno sa 23 glasa za.

Tačka 23.

Prijedlog zaključka o davanju saglasnosti na Plan i program rada JU Centar za socijalni rad Kakanj sa finansijskim planom za 2020. godinu

Predlagač: UO JU Centar za socijalni rad Kakanj

Obrađivač: UO JU Centar za socijalni rad Kakanj

Izvjestilac: Fakir Ajdinović, direktor JU i Mehmedalija Velispahić, predsjednik UO JU

U diskusiji nije niko učestvovao i Vijeće je jednoglasno usvojilo Zaključak o davanju saglasnosti na Plan i program rada JU Centar za socijalni rad Kakanj sa finansijskim planom za 2020. godinu sa 23 glasa za.

Tačka 24.

Prijedlog zaključka o davanju saglasnosti na Finansijski plan JU za predškolski odgoj i obrazovanje „Mladost“ Kakanj za 2020. godinu

Predlagač: UO JU za predškolski odgoj i obrazovanje „Mladost“ Kakanj

Obrađivač: UO JU za predškolski odgoj i obrazovanje „Mladost“ Kakanj

Izvjestilac: Helmina Murtić direktorica JU i Mirsada Čaluk, predsjednica UO JU

U diskusiji nije niko učestvovao i Vijeće je jednoglasno usvojilo Zaključak o davanju saglasnosti na Finansijski plan JU za predškolski odgoj i obrazovanje „Mladost“ Kakanj za 2020. godinu sa 22 glasa za.

Tačka 25.

Prijedlog zaključka o davanju saglasnosti na Finansijski plan JU „Kulturno-sportski centar“ Kakanj za 2020. godinu

Predlagač: UO JU Kulturno-sportski centar Kakanj

Obrađivač: UO JU Kulturno-sportski centar Kakanj

Izvjestilac: Mirza Mušija, direktor JU i Aida Silajdžić, predsjednica UO JU

U diskusiji nije niko učestvovao i Vijeće je jednoglasno usvojilo Zaključak o davanju suglasnosti na Finansijski plan JU „Kulturno-sportski centar“ Kakanj za 2020. godinu sa 23 glasa za.

Tačka 26.

Informacija o šestomjesečnom radu Udruženja „Razvojni centar općine Kakanj“

Predlagač: Udruženje „Razvojni centar općine Kakanj“

Obrađivač: Udruženje „Razvojni centar općine Kakanj“

Izvjestilac: Edin Bjelopoljak, predsjednik Udruženja

Zbog ne prisustva predlagača na sjednici, Vijeće je tačku odgodilo za narednu sjednicu.

Predsjedavajući je zaključio rad 38. sjednice Općinskog vijeća u 14:45 sati.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić

